



## ТӨРИЙН ӨМЧИЙН БОДЛОГО, ЗОХИЦУУЛАЛТЫН ГАЗРЫН ТОГТООЛ

2023 оны 02 сарын 09 өдөр

Дугаар 42

Улаанбаатар хот

### Шалгалтын мөрөөр авах арга хэмжээний тухай

Төрийн болон орон нутгийн өмчийн тухай хуулийн 11 дүгээр зүйлийн 1, 2, 66 дугаар зүйлийн 3 дахь хэсгийг тус тус үндэслэн “Говь-Алтай” АЗЗА төрийн өмчит хувьцаат компанийн 2021 оны санхүү, эдийн засгийн үйл ажиллагаанд хийсэн баримтын шалгалтаар нийт 137,904.1 (нэг зуун гучин долоон сая есөн зуун дөрвөн мянга нэг зуу) мянган төгрөгийн зөрчил, дутагдал илэрснийг тэмдэглээд ТОГТООХ нь:

1.Төрийн өмчийн бодлого, зохицуулалтын газрын 2021 оны А-1/66 дугаар албан даалгаврын биелэлт 75,2 хувь буюу “Тодорхой үр дүнд хүрсэн” байх тул дотоод хяналтыг сайжруулж ажиллахыг “Говь-Алтай” АЗЗА төрийн өмчит хувьцаат компанийн Гүйцэтгэх захирал (Б.Алтанхуяг)-д үүрэг болгосугай.

2.“Говь-Алтай” АЗЗА төрийн өмчит хувьцаат компанийн санхүү, эдийн засгийн үйл ажиллагаанд хийсэн шалгалтаар илэрсэн зөрчил, дутагдлыг арилгах арга хэмжээний жагсаалтыг хавсралтаар баталсугай.

3.“Говь-Алтай” АЗЗА төрийн өмчит хувьцаат компанийн Төлөөлөн удирдах зөвлөлд дараах арга хэмжээ авч ажиллахыг үүрэг болгосугай.

3.1.Компанийн батлагдсан эдийн засгийн үндсэн үзүүлэлт, зорилтот түвшин, хөрөнгө оруулалтын төлөвлөгөөг үндэслэн, тухайн оны худалдан авах ажиллагааны төлөвлөгөөг батлах, хэрэгжилтэд нь хяналт тавьж ажиллах;

3.2.“Шалгалтын мөрөөр авах арга хэмжээний тухай” тогтоолын биелэлтэд хяналт тавьж ажиллах.

4.“Говь-Алтай” АЗЗА төрийн өмчит хувьцаат компанийн Гүйцэтгэх захирал (Б.Алтанхуяг)-д санхүүгийн сахилга батыг хэвшүүлэн дотоод хяналтыг сайжруулж, дор дурдсан арга хэмжээг хэрэгжүүлж ажиллахыг үүрэг болгосугай.

4.1.Төрийн өмчийн түрээсийн орлогын 40 хувь болох 1,832.0 (нэг сая найман зуун гучин хоёр) мянган төгрөгийг 2023 оны 1 дүгээр улиралд багтаан улсын төсөвт төвлөрүүлэх;

4.2.“Зам, тээврийн хөгжлийн төв” төрийн өмчит үйлдвэрийн газраас хүлээлгэн өгсөн үнэ, үнэлгээ тодорхойгүй, цас цэвэрлэгээний болон нөхөөсний зориулалттай, 2 ширхэг тусгай зориулалт бүхий тээврийн хэрэгслийг санхүүгийн тайланд үнэлж бүртгэх талаар Зам, тээврийн хөгжлийн яам, Төрийн өмчийн асуудал эрхэлсэн төрийн захиргааны байгууллагад хүсэлт тавьж шийдвэрлүүлэх;

4.3.Худалдан авах ажиллагаанд Төрийн болон орон нутгийн өмчийн хөрөнгөөр бараа ажил, үйлчилгээ худалдан авах тухай хууль, Сангийн сайдын 2021 оны 102 дугаар тушаалаар батлагдсан “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагааг төлөвлөх, тайлагнах журам”-ыг мөрдөж ажиллах, хяналт тавьж ажиллах үүргээ хангалтгүй биелүүлсэн албан тушаалтан нарт хууль тогтоомжийн дагуу хариуцлагын арга хэмжээ авах;

4.4.“Онцгой нөхцөл бүхий хөдөлмөрийн гэрээ”-ээр олгосон эрхийн хүрээнд үйл ажиллагаагаа зохион байгуулах, эдийн засгийн үндсэн үзүүлэлт, зорилтот түвшинг үзүүлэлт бүрээр ханган;

4.5.Бусдаар гүйцэтгүүлсэн бараа, ажил, үйлчилгээний төлбөрийг гэрээ дүгнэсэн актыг үндэслэж төлдөг байх.

5.Төрийн өмчийг эзэмшүүлэх гэрээний хэрэгжилтэд Төрийн өмчийн бүртгэл, ашиглалтын хэлтэс (Д.Нарангэрэл)-т, Онцгой нөхцөл бүхий хөдөлмөрийн гэрээний биелэлтэд төрийн өмчийн удирдлага, зохицуулалтын хэлтэс (Ц.Баяр-Эрдэнэ)-т хяналт тавьж ажиллахыг тус тус даалгасугай.

6.Тогтоолын биелэлтийг 2023 оны 2 дугаар улиралд, өссөн дүнгээр 4 дүгээр улиралд багтаан Төрийн өмчийн бодлого, зохицуулалтын газарт ирүүлэх


7.Энэхүү тогтоолын биелэлтэд хяналт тавьж ажиллахыг Төрийн өмчийн хяналт шалгалтын хэлтэс (Ц.Түвшинзаяа)-т даалгасугай.

ДАРГА


Б.ЦЭНГЭЛ

ТӨРИЙН ӨМЧИЙН ХЯНАЛТ ШАЛГАЛТЫН  
ХЭЛТСИЙН ДАРГА

Ц.ТҮВШИНЗАЯА



Төрийн өмчийн бодлого, зохицуулалтын газрын  
2023 оны 02 дугаар сарын 02-ны өдрийн  
02 дугаар тогтоолын хавсралт



“Говь-Алтай АЗЗА” төрийн өмчит хувьцаат компанид хийсэн  
шалгалтаар илэрсэн зөрчил, дутагдал, түүнийг  
арилгах арга хэмжээний жагсаалт

№	Зөрчил, дутагдлын утга	Хариуцах эзэн	Дүн (мян.төгр өг)	Зөрчил дутагдлыг арилгах талаар авч хэрэгжүүлэх арга хэмжээ
1	Худалдан авах ажиллагааны төлөвлөгөөнд тусаагдаагүй төсөл арга хэмжээ	Захирал Б.Алтанхуяг Ерөнхий ня-бо Ч.Лхагвамаа	136,072.1	Сангийн сайдын тушаалаар батлагдсан “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах төлөвлөх, тайлагнах журам”-ыг мөрдөж ажиллах,
2	Төсөвт төвлөрүүлээгүй түрээсийн төлбөр	Захирал Б.Алтанхуяг Ерөнхий ня-бо Ч.Лхагвамаа	1,832.00	ТӨБЗГ-ын 2020 оны 02 дугаар сарын 18-ны өдрийн “Төрийн өмчийн эд хөрөнгийн түрээсийн төлбөрийн доод хязгаар, түрээсийн зарим төлбөрийн хэмжээг тогтоох заавар, улсын төсөвт төвлөрүүлэх орлогын хувь хэмжээг шинэчлэн батлах тухай 49 дүгээр тогтоолыг мөрдөж ажиллах, Төрийн өмчийн түрээсийн орлогын 40 хувь болох 1,832.0 мянган төгрөгийг төсөвт төвлөрүүлэх;
	<b>Дүн</b>		<b>137,904.1</b>	<b>(нэг зуун гучин долоон сая есөн зуун дөрвөн мянга нэг зуу)</b>